



青山一帶白雲封金闕宏開響鼓鐘香藹瑞烟紅日近
岩飛花雨紫苔重龜馱石刻文身古鶴守丹爐野性慵
兩袖清風輕欲舉飄然直上最高峯右次

萬安寺訪明上人

乘閑來訪古招提門掩秋風日未西塵慮已空漚泛水
禪心不動絮沾泥地爐煖栗燒芻狗石榻眠雲聽竹鷄
清供一番仍索笑可能相送過前溪

休寧志卷三十六

作有一池春水深秀木千章新過雨寒山一帶暮傷心
清風明月時來此夢斷雲飛何處尋

和孫彥及隸華堂詩韻

大雅久不作聲色淫鄭紫古來非一秦焚厄故如此西
都盛經學聚訟自茲始建安委道真典午事玄理錦縠
蔚雲霧組紉亦信羨後生不著眼千古空信耳誦習號
純儒曠達稱高士有如富層實多藏不能使又如病酒
狂沉酣糟粕旨源流日以遠循襲不為耻先生秉大雅
江東今夫子持勇不夷惠漫仕無愠喜學術心自得筌
蹄視經史蘭舟翼桂楫巨川端可涖我家世從公公歆
出泥滓愚不堪世用非人不我以破屋蔭蓬根春薺老
墻址窈窕誰肯顧公獨不我鄙遺之珠玉篇諄諄說友

弟直欲障顏波肯與為茅靡觀公用意處可與召穆比
弟兄吾手足父母吾怙恃盡此救水歡還勝有酒滑古
來願為兄日月不可弭聖賢師百世河海潤千里公如
大醫王一世膏肓起

方壺別墅為汪叔畊賦

汪太初

面面軒窓好溪山不待招清風修竹徑細雨綠荷橋地
僻人烟少天恢景象饒襟懷無一事終老樂簞瓢
統屋留餘地穿渠引水來養蓮繞出葉甃石漸生苔借
潤宜滋柳臨清得種梅主人心地古不是樂傳盃

雙應堂為夏孝子賦

胡雲峯

幾尺墳高手自培終天無復養南垓松楸在望長興歎
草木無情亦見哀哭裂碧筠雙幹起淚含紅藥並頭開

詩人祇是誇祥瑞孝感那知心上來

紹熙辛亥歲遷居星洲述懷

朱聖與

別墅今為宅芳洲古號星一溪縈似帶群岫列如屏繚
繞蟠龍勢迴旋翥鳳形紫峰鍾美瑞秀麓炳神靈峻嶺
通山去寒潭對剎停顏尖雙傑出斜谷獨深高鷗鷺導
幽渚牛羊散遠汀春花紛外野秋月可中庭築室歌鳴
鴈謀鄰詠鵲鳩來居猶未久補弊不遑寧愛竹留新笋
看松養茯苓採山收美茹釣水得鮮鯖繁短觀諸史窓
明考六經桂香思璧水槐影記楓拜一局碁常劣三五
酒易醒愛身應比玉守口貴猶畊事業姑藏器功名會
發鉅豈無牙父志當遇子期聽鵬鶚須逢運驂騶豈戀
珂祗今時合待拄笏謾名亭

高齋為汪體仁賦

孫有功

落月荒荒烟樹杪枕邊車馬門前道
北窓猶帶半岩雲誰信高齋已先曉
清虛隱約吳天長趁暖貪眠未下床
眼中小友令人羨早起誦書聲繞梁
少日從師度脩水踏遍匡廬過彭蠡
歸來寄傲北窓間自覺三冬足文史
問事咄咄殊不休後來知有賈長頭
老人留眼看他日會見一鶚橫霜秋

寄題汪君若揖秀山高處

方虛谷

秀山高處我未到想見斯人獨嘯歌
靜賞奇雲臨翠巘醉吞朗月上銀河
異香染筆花間寫清影搖衣竹裏過
愧無健句凌空闊柰此天邊絕景何

遊秋吟亭不值

汪秀山

愛他柑橘綠於苔鎖定園門未肯開
照水芙蓉關不得隔籬穿竹出溪來

率濱亭為程居仁賦

張夢臣

率山可樵率水可漁水涯山麓有幽人
居幽人意獨適熙然樂唐虞築亭山水
間坐看雲霞舒亭中何所有數策種樹
書紅塵避簷牙清風來座隅月明庭簷
鶴天晴波浴鳧區稻足供酒溪毛亦堪
蔬花枝當姬侍鳥歌即笙竽放懷萬物
表綽綽自有餘山之蹊崎嶇水之流縈
紆青林翠竹如畫圖一亭之樂無時無
風烟似與人境殊名童招隱倍感予何
當掛冠神武歸弊廬操觚自賦愚溪愚

又

歐陽文公

率山在屋上率水在屋下主人機事疏山水名字野率
山茹我芝率水飲我馬頤言從主人為此真率社

又

揭文安公

休寧之南四十里率山之下率水出焉山如黛水明
鏡深入厚地高隱天率之濱何人居花滿園竹繞廬青
山綠水画不如云是周大司馬休父之子孫聚族於斯
不知幾百年群公列卿世為儒古今盛衰不可常至今
子弟秀且都如崑山羨玉滄海明珠盛德之後山川之
英不可誣耕於春穫於秋朝而漁夕而樵優哉游哉百
不憂嗟伊人兮誰其與儔率之山率之水山兮水兮吾
與爾我將求子兮長已矣

又

吳全節

率山蒼翠五十仞群玉玉峰雲氣浮亦欲携琴凌紫
數間茅屋俯清流

又

呂德昭

仙翁亭構今何在肯搆憐君復舊模在昔故基仍勝絕
于今喬木尚榮敷翰林題扁輝照壁朝野留詩耿貫珠
五柳孤松彭澤里黃鸝白鷺輞川圖溪毛落雨青絲長
石髮凝烟翠錦鋪晴日漾波鳧對浴涼風吹樹鳥相呼
咲談款款留賓客燕處怡怡樂友于琴響嶧桐調鳳尾
簾疎湘竹捲鰕鬚何時緩策從幽討莫惜郢筒滿眼沽

寄題休寧趙氏彌忠堂亭

方虛谷

不品官班但品人深雲蔽屋屋藏身就中別有難藏者
名震京師鄭子真

右雲

心屬何人省者誰自家主宰自家知後來此地惺惺處
不要醫工用藥醫右省

青踈老瘦碧孱顏杳杳深深萬翠間侍坐侍行仍侍立
雪松霜竹雨餘山右驛

三义路口駐車輪莫訝知津更問津何限出門向西笑
忙行不似慢行人右問

貫朽青錢粟腐紅何如心不愧天公一方寸裏無餘物
却笑教倉武庫窮右有

豈卿堂

趙吟嘯

竹牖過予於寒谷予曰欲名堂以豈卿而書谷口豈其
卿於桃板木偶也既別寄書云某兀坐竹牖信手繙莊
騷史漢等書偶至郅渾傳鄭敬歸隱事欣然有得撫几

而作曰山中是亦政谷口豈其卿詎非的對乎甚欲
成之不敢攘竊吾詩帥名謹具韃囊以獻功于足下幾
安敢當小詩敬以竹牖為稱首

山中是亦政谷口豈其卿二句兩人得一吟千慮輕犁
鋤歸掌握風月受摧衡莫說無功德身心俱太平

休寧朱肖岩葺其先大父岐山書堂為藏修之
所而徵詩於余余聞其先伯父由釋褐職教姑
蘇今其父子能世家學不墜遺其是可敬已為

賦二章

汪古逸

閉門讀書非俗人政使未見猶傾心班窺已駭文彩異
流長要自根源深松比靈椿健霜骨草連玉樹輝庭陰
岐山紫陽近相接逸響流入花間琴

迺翁讀書功未收大兒收功總轉流三年刻楮豈無用
一鳴驚人姑少留大伸新鬱數應值但力根本吾何求
書聲夜雜嶺猿苦想見燈火虛堂秋

麴井

孫次皋

井在予居之北一里西詎大川十餘步特宜釀事予為
定今名且繫之詩以告夫道出此而未及知者
水居天壤間才品各不同箬溪顯吳土鄱湖占楚封
舍麴蘖性孰測陰陽二里中有甘井譜與二水通為我
作桂醕氣韻均韶風惜哉產幽側昔賢都未逢川北羅
右姓歲釀家千鍾軒義大編集併罌與俱東徃徃入錢
塘爭為歡伯雄爾來知幾秋此井不言功我欲旌其功
一亭蔚雙桐川后相屏護亦致小白龍我心靜如井許

不求楚江萍野水無人渡何時一揚舠

題吳伯岡園亭詩 并序

呂德昭

士君子之立身立家猶諸侯之立國也或一傳再傳未
嘗不本諸忠厚以立心况天下之大乎周太伯為太王
長子乃讓季歷而泰伯苗裔散處東南說說屹為大族
休寧吳田以姓傳據譜尚可攷旭生晚尚獲識萬頃先
生狀貌魁梧劬書妙翰墨善吟詠燕飲談笑宛然晉人
尤酷好經營園圃置位花卉伯岡則先生家督幼有志
功名戰藝棘闈輒北遭亂世鬱鬱愈不得意時駙馬都
尉鎮婺源獎予士類伯岡一語即合命參戎幙伯岡年
尚壯須髮競白短衣窄帽橐弓插矢倚馬侍可用其羽
檄奏凱神京通好鄰封可朝發夕至都尉曰伯岡儒氏

子何其壯哉明年都尉移戍會稽情義存篤伯岡曰吾
父不天幸老母康強苟不白大人所以明去就之故恐
有孤倚門之望駙馬甚義伯岡之舉且禮贈焉伯岡心
間無事理荒穢除荆棘構亭有四曰安樂窩以其深邃
也曰蠡庭以其停蓄也泉聲以清幽野色以淒潤架橫
木為橋曰略約引泉注石獅口曰獅子泉吾得效潘安
仁以板輿日導母其間子曷為我一賦之旭獲識萬
頃先生不以愚不肖俾坐水竹之居釣脩鱗酌美酒今
又沐伯岡以文字為托豈非疇昔之願哉將見烏有返
哺未有連理物從而化俱為祥瑞吳氏忠厚之報雖百
世可也賦畢蓋之以文欲知吳氏之始終在於忠厚而
不在於浮薄也一木一石

孫氏

君心汗漫四海遊豪氣勃勃橫九州踏花醉酒結英俊
撫劍躍馬凌公侯歸來習隱開芳圃安樂窩中好清古
飽飯日和堯夫詩山花饒咲垂楊舞結窩

志人達觀物微眇眼寬滄海猶孟小如何洞庭彭蠡湖
只比君家一方沼雙飛白鷺群浴鷓魚吹暖浪跳銀鈎
柳陰畫舫可坐釣不必五湖乘小舟庭蠡

雪竇源流激寒玉濺石如跳珠萬斛疑聞孔瑟和虞琴
絕勝吳絲諧楚竹寒碧一酌清君心却咲倍耳聾五音
愛此冷冷滿幽聽洗淨箏篋聲哇啞聾泉

稍雲園林樹掩映朝夕晦明景多勝林花分色雨添香
山竹收陰烟作暝濛濛空翠連滄溟迢迢秀色來野庭
高人吟詩獨延佇歸鶴點破浮嵐青右野

名園花木連梢雲橫略約支溪濱靈鷲翅照野色破
斷虹影落波光分徃來日見漁樵者不容山客來騎馬
為余稽首謝世人請回俗駕林泉下右橋

誰斷太湖秋水骨制作後倪形脫活幽人引泉注口中
聲似吼雷噴晴沫獐獐乍見人盡驚熟視愛此琮瑋聲
山精走箴白日靜洗耳飽聽心神清右獅

題新安黃清夫秋江釣月卷

黃先生以秋江釣月詩什見示請題其後病中書此姑
塞雅命云上黨秋谷李孟

君釣秋江月我畊秋谷雲逸名君咲我伴食我慙君老
我素多病壯君高出群何時各歸去雲月約平分

題黃秋江釣月卷

趙文敏公

塵土染人衣袂烟波著我舡
問行歌都市何如
月秋江

又

黃文獻公

新安之江秋見底夜靜月明江水寒
珎重平生遮日手
幾時却把釣魚竿

又

楊仲弘

之跡秋江上而今不計年
垂綸牽細浪歌帽破長烟已
類玄真子兼從孟浩然後來名未泯
題品有高賢

又

范德機

舊識先生隱者流還因圖畫想滄洲
斷雲滿路碧窓晚
明月何年清嶂煉世故風塵雙短屐
生涯天地一扁舟
誰知當日玄真子傲盡人間萬戶侯

羨金子西造朝陽樓

陳定宇

氣勢薄層漢樓高百尺雄屏圍山聳翠鉅掛日升紅直
可卧餘子端如見乃翁曾中梓人傳相業在曾中

次韻題金子西新橋

汪古逸

隱隱長虹跨碧虛行人驚恠舊時無咄嗟解作崢嶸事
談咲能為久遠圖蔭及龜魚應鼓舞歡騰猿鳥亦喧呼
人言杜預成功後千載惟君與暗符

橋邊風物似耶溪收入新詩總是題殘雨村邊行白鷺
夕陽樹杪掛晴霓魚翻岼底天光動禽踏波間柳影低
遙羨主賓行樂處蓼花洲渚綠楊堤

雲溪八景

程萬輝

臨流小構只三間瀟洒應疑別一壑
幾度鈎簾清玩處玻璃影裏湧青巒右臨清閣

閑歌吟枕聽潺潺詩仙有興時賡和詞客多情日往還

映雪先生七十餘正襟危坐自親書光涵虛白明科斗

春滿寒香走蠹魚奎壁珠璣盈几席瑤環瑜珥立階除
紅塵一點難容入疑是冰壺裏面居右映雪書齋

清朝布谷隔林聞農事村村盡務勤稚子驅牛穿香靄
老妻供饁步氤氳稻畦綠水高低潤麥隴黃雲上下分

日暮歸來聊自適濁醪滿酌薦香芹右黃石耕雲
汪汪萬頃碧如油遠接長空一色秋蟾浴陰精光不濕

兔潛素魄影如浮金波漾處輕移棹玉汞疑時謾下鈎
欲掣冰輪天上去馮夷清夜恐生愁右碧潭釣月

天開晚霽斂烟霏一帶迴光映翠微琴抱馬前遊客返

笛吹牛背牧童歸青松樵徑陰籠擔綠樹人家影照扉

半岫紅旂秋入画吟邊翹望思依依石前村

激玉潺潺瀉泉流淨消塵滓漾寒光石邊細草勾金短

岸上飛花泛瑞香農父引流畦瘁頰行人瓢綠潤枯腸

源頭一脉來無盡應似君家世澤長石北澗

石徑縈紆上碧岑遊人幾約共登臨墳留幽隧經年代

祭立遺壇鎮古今淡霽收峰山似画斜陽半塢樹如金

新安形勝尤稱此龍在靈湫鶴在陰右錫山

四簷綠護樹陰清內設神龕外并亭龍盤盤染金瓜活

蠲涎篆辟玉痕腥燒錢日日民祈福榔笑時時客乞靈

擬約乘閑尋故事苔花細拂看鐫銘右施水

吳子芳楓林牧隱

黃子運

露晞春草細林遠青楓長中有沮溺徒結廬先傍於

焉可耕稼自牧牛與羊播腰笛竹短插笠山花香犢飽

夕言婦濯足澗月涼喟彼塵世人馬蹄終日忙橫眠綠

草嫩肯羨金鞍光老農願卜鄰持鞭白雲鄉招我金華

仙與尔參翱翔

月潭八詠

趙東山

百頃研重淵幅員如滿月蒼茫千山底見此蛟龍宅雲

氣起中宵悠々接天闕沛然三日雨一洗人間熱石月

溪迴千澗合峽轉群峰集陰森雙闕峙洶湧湍流急山

根有魴鱖常恐風雷入非無江湖思耻作枯魚泣石

高閣瞰流水微風不揚波栖邊以樂飢日莫憂思多遠

岸映脩竹空庭涵綠莎千載滄浪詞懷哉聊永歌石

積雨生溪漲洪流逝滔滔鮫蛟襍水怪踴躍乘波濤結
亭臨水濱稍息待渡勞斯須良易忍無為覆輕舸右觀
積雪遍山林寒光蕩溪澗虛空無塵滓毫末皆可覩王
生宵返棹袁子晝高戶小艇獨垂竿高情付千古右舸
種樹清溪上結戶在林幽周迴十畝陰俯仰三十烁不
食非其力灌園乃良籌以安遺子孫長樂無虞憂右隱林
叢林好風月勝絕傳星洲蕭條兵火後共憶禪房幽伊
誰開萬劫興滅何時休百年未可料况作千歲謀右耕
顏公超世者遺跡在茲山物和年穀豐龍駕誰能扳扶
策有奇士短檠霜月寒高科豈不羨詎知今所觀右顯

題萬山深處樓

余忠宣公

黃山三十六峯西天葆顏公深處栖開牖看山青入戶

移舟釣水綠平堤崖邊石虎風前嘯嶺上金雞月下啼
遙想此情何日到篇詩聊為故人題

初建精舍四絕

趙東山

依樹為屋牕戶小傍岩卜居烟霧深從來散地無人占
望遠登高獨自吟

山合東西無面勢水流高下少縈紆中間着箇支離漢
月朗風清得自如

隔斷紅塵三十里日高鼻息尚如雷獨憐山水無情極
一任遊人不上來

白鶴青鸞去不還紛紛遺恨付江山茅齋合在何方着
只向無人愛處安

黃川十詠為汪素隱賦

范平仲

幽居混農圃樹園東山麓
蒼翠流斷青絲秋瓜削寒玉抱
甕晨出灌聚螢夜歸讀東陵事已非
高風企遐躅團團朝日紅
還疑飯首菴右東園

我思巢居民混沌不用鑿
塊處淨室中陶然養冲漠
娟娟影幽耿耿燈光薄
寸寸越不斬遺於焉全
大樸簞瓢人已遙
此意將焉託右愚齋

一室若磬懸端居時酒掃中
橫焦尾桐於斯寄吾傲古
音心自知伊誰可同調
山空萬嶺寒牕明月色到豈無
卓文君一鼓求凰操右琴室

小橋跨寒流高柳拂晴碧
迢迢荆葉扉隱隱山人宅
攔腹飽凭闌傾尊酣听憤
時有問津人下車從沮溺
相逢綠陰中一咲山雲白右柳橋

山溪抱村流奇石谿中起
溪清良可鑑石平亦堪履
濟時已無施垂竿釣谿水
貪餌宜釣鈎遠淵嘆鱸鮓千載
嚴陵臺高風厲廉耻右釣磯

山行路款窮古寺出岩嶠
隔水間踈鍾前峰留晚照
禪心堪空寂獨坐觀衆妙
時有避世翁閑來樂登眺
何當倚危石共發虎溪咲右山

鷄籠插天青峭拔幾千尺
危峨見玉笋孤聳寒鵬翔
靈岩時獻歎原野仰膏澤
隱者事幽尋每費游山屐
緬懷孫伯符引領三嘆息右鷄籠峯

連山際三衢限此千仞嶺
青煙橫鳥道白晝斷人影
排雲上霄漢捫蘿礙榛梗
歷歷厓間關悠悠念遐永
去矣勿辭勞漸達康莊境右綠雲嶺

黃尖連馬金岡阜殊險絕上有蛟龍湫石五仰規月疑
湛閔莫窺靈異怕倏忽云胡一朶慳寧免蛙蚓汨終當
乘風雷飛天向溟渤嶠壙

尋幽興未涯窈窕入深谷長松生晝寒香蘿蔓春綠綿
綿石上葛冉冉巖下菊樵子時相逢和歌自成曲吾將
從杖屨題詩滿青竹右松

水南山房

為任本立作

黃子運

先子愛兒如鳳凰水南深處築山房渚花映戶春雲熱
野竹當階秋雨涼幕有燕巢成暫息匣盤龍劍肯終藏
同鄉垂白踟躕客遲見歸來菊未荒

題山斗程氏八景

秋生廣寒殿影落馮夷宮誰能沒浩蕩寶劍蟠雙龍右

春雲漲溪底落花翻錦浪

只好扁舟往相訪人言君亦樂桑流十年上與淵明傳
不知悠然心更遠落英豈為東籬秋白雲莫擁南山面
日十二時腸百轉何人嗜炙不同心日不見山山自見
讀詩合廢蓑我為豈無小戴如君賢人心天理有興起
南山何處非悠然

題李本立卧雪齋

邵思宜

睡覺寒窓賃坐空雪埋村徑失西東梅花紙帳生虛白
松火竹爐存宿紅豈獨袁門尚高節未容焦寢擅遺風
扁舟我欲遙相訪却嘆山陰興有窮

白雲樓

朱風林

白雲孫宏父瑩域樓名也昔華封人祝堯使壽其言曰

聖人鷄居而鷄食鳥行而無彰天下有道與物皆昌天下無道脩德就閑千歲厭世去而上仙乘彼白雲至于帝鄉三患莫致身常無殃所謂乘白雲而至帝鄉者其諸魂氣之無所不之者耶孫父壽踰七袞預自瑩而接其旁以白雲名之固達生之士也而其意亦深遠矣陟陞皇之赫戲忽臨睨夫舊鄉下視宮室之美殆所謂陟降庭只者耶其嗣安鄉索詩於余亦以求致其思親之道欤是不可以無作也

英英白雲浮游于天形滿其壽其神超然孰曳其衣孰擘其綿媚茲晴昊云何娟娟 白雲在天載浮載游形滿其壽其神弗留豐隆先驅應龍翼軻一息萬里飛陰九州 雲散于天零露泥泥魂兮歸來視其家第安哉

又

朱大同

漸江天際來如絲委迤下繞孫王祠兩岸青山如走馬勢與江水俱馳下踈烟遠近見村墟茅屋竹籬總堪畫汪君家居溪上村雲烟水石供晨昏田園歲入了官賦足跡不到王侯門谿魚入市充盤餐豕有雞宰有豚論文痛飲醉方已高朋滿座無空樽秋風蕭蕭歲云暮奔走誰能免公務乾坤如許恨身多何況持家立門戶寫畫題詩良獨苦憂寃想像無由覩我欲作詩奉明主直挽高風還淳古四海蒼生各安堵

山月新為新安邵思宜賦

廬陵龍雲從

練谿東邊上 月照影黃山白如雪城居得月十分好况在山居轉清絕小軒寬如一舸身坐飲能容十數人

松門冠蓋晚入公今夕何夕來相親我有深尊如澠之
多脫巾漉酒漉漉金波飛光交梭走滅沒見影不須問
圓缺但得佳賓時直春常把金觴對瑤闕一杯一吸月
華乾牽引清春生肺肝盡令玉露化天酒大地山河甕
裏看月本古時月與人不長好月中且看少年髮綠色
照為霜雪嬌我生愛月情最深下弦猶自惜光陰望中
賒酒月月賞酒樓常負千黃金古人喜秋月我喜無冬
夏冬月月光更可人一壺清影梅花下君不見西江賈
客珠滿瓶難買山中一榻清東鄰郿塢金滿籬難買山
中一夜晴山青月白四野霽色坐無白丁了皆文墨來
宵酒好月尚好相約重來藉庭草山深日落虎狼多蘿
徑孤琴候應早

題休寧張伯謙梅谷

楊鐵崖

千樹梅花近水村草堂名雅竹為門月窺瘦影橫書幌
雪墮寒香撲酒尊和靖孤山吟未了廣平千古與誰論
祇今休問調羹事留取清標付子孫

又

汪仲魯

松蘿山下雪滿屋獨行無人到梅谷數椽茅屋大如斗
一枝梅花潔如玉梅谷仙人步履遲一痕新月懸高枝
呼兒買酒遠出市坐看皓鶴方來歸逋仙已老孤山暮
霸橋驢嘶向何處不如從子酣飲餘明朝相望芙蓉路

富溪八景

程伯順

拔地孤峯何翠律疑是陽烏蛻凡骨夜半峰頭啁晰聲
依稀催上搏桑日

鷄籠峯

幽尋常羨鹿門山今見此山應更好中有隱者鹿皮翁
我欲相從拾瑶草尖鹿

兩淋日炙蒼蘚蝕挺特千年作人立亦堪雕琢與磨礱
可攻突取他山質石夫

鶴背仙人已仙去石鼎金丹在何處空留遺跡在人間
碧桃落盡東風暮洪真墓

平岡蹲踞勢奇絕欲比生靈更無別甚無吼發河東聲
免使居人心膽懾獅子岡

一派清冷送雲液風動松烟漾澄碧潛鱗勿嘆久泥蟠
會看奮迅升天翼蛟池嶺

春雨護田烟草綠倚闌清烟詩翁目是中應有種玉人
俗緣安許相追逐碧藍田

貧樂庵為瑞溪釣叟金彥直賦 宋仲珩

溪流脉脉走驚蛇堤樹重重散落霞惟有白雲疑不去
至今深護野人家

晴風吹水綠差差盡日生涯屬釣絲遙想羊裘深隱處
碧苔春雨長巖姿

又

倪尚誼

袞袞諸生應禮羅增學獨釣樂如何烟消日出天初曉
月白風清水不波渭上六韜經世志江濱一曲濯纓歌
史占未遇非熊兆贏得終身荷笠蓑

林下軒為大同貳守金彥清作 鄭居貞

余亦江海客慕君林下風還聞謝城市歸去卧山中樵
牧閑來往幽深時討窮風皇鳴雜佩澗水響孤桐何日

璫溪上清樽一笑同

鶴山小隱為蘇士貞題

錢塘洪春

小築茅齋近翠微地備終日掩林扉墨池水漲群鷺戲
茶竈烟消一鶴歸自喜琴書清蕙帳從教風露冷荷衣
聖明側席歌招隱捧檄行當入帝畿

湖山樓和金州倅彥瑾韻

汪宗愈

行盡松蘿山外山一泓湖水映樓間波澄天浸青油幕
雨過鱗分碧玉鬟殷浩書空成怪事班超悲老得生還
祖宗舊業勤修葺應念前人結構難

蟪蛄何物不知秋蠖屈能伸百不憂決肯觀雲飛北塞
聳肩看月想南州新詩有興踈狂寫薄酒無聊冷暖投
准擬來春馬蹄疾綉溪堤柳拂人頭

永思亭為金復初作

孫思傑

人本乎祖物本乎天人不永思曷知水源祖宗兄弟皆
吾至親人不永思視為途人松楸共隴或東或西人不
永思易成荒迷薦新一禮祀享一時人不永思或志有
違思之以永地久天長孝之匪遺無時忽忘新安大姓
惟忠肅公勲庸名節赫赫隆忠肅公裔有吾復初克
存先業克守先廬先隴之傍乃構斯亭早莫登眺內感
精誠霜露既降春雨既濡子孫孫子永思弗渝

文明軒

休陽葉士中好文雅能教子因得仲穆
趙先生文明二篆揭諸讀書之軒仰沐
聖朝文明之治樂於化育之下故求子
詩士中當敬寶之於子孫也無窮矣杜貫道

日月開皇極奎章燦太虛萬邦朝玉帛四海混車書浩
浩乾元始煌煌大業初恩光無不照何止一軒居

何寧縣志卷三十七
題歲溪汪彥度秋吟得趣卷

吳以聲

危亭翼翼碧谿濱
惟有秋來得趣真
風露九霄清到骨
水天一色淨無塵
斜陽樵檐穿紅樹
明月漁歌起白蘋
何日來游同徙倚
一尊還對菊花新

彥度宋宣城令
若揖五世孫

綠繞堂為程思德賦

羅汝敬

率濱之水清
漉漉縈迴盤屈開中洲
媿人結構瞰芳江
軒楹面面波光浮
洲頭一夜春雨足
繞屋新添鴨頭綠
蓬岳神遊翠水深
少陵興入清江曲
是誰好事開畫圖
筆力妙與疏鑿俱
短歌吟罷玉堂晚
長天一色凝窓虛

分題送程進士彥實奉使還京

玉几晴嵐

吳以恭

遙望晴空玉几橫
海寧巨鎮聳前榮
春回斷石千村麗

列傳又不作高風
已茫然栢舟起頽波
昭昭三百篇汪
家有賢母孀居值
青年婦也苦薄命
而亦移所天
矢心發長嘆
指此白日懸孤燈
耿寒夜機杼蓬窗
前姑心比冰雪
婦德金石堅
一門著清節
皎皎先後先
嗟彼東隣女
鉛華為誰妍
我作雙貞詩
庶貽千古傳

琴書樂處為汪以名題

曾榮

高軒何所樂
篤志在琴書
時時理孤桐
希蹤慕有虞
懷哉南薰操
此意復何如
端居澹無營
游心太古初
往聖著明訓
編簡常卷舒
以茲畢朝夕
允矣垂芳譽

又

曾鼎

哲士好清脩
琴書真所樂
幽軒無塵雜
雅趣恒自若
焚香理素絃
把卷慕先覺
怡神養性情
解慍中欣躍
流水

間行雲梅花度鳴鶴學海觀微瀾高懷動寥廓靈臺無
纖翳至理悉昭灼超然物外居清風灑林壑俛仰天地
間陶陶永無怍

題閔得玉樂善堂

廬陵周叙

平生何所樂雅志在為善孝友暨忠信孜孜日忘倦清
風調素琴白晝親黃卷于焉事進修思以寡尤謹卓哉
東平言夙夜宜允踐深期慎始終庶用追時彥

有懷藕塘別墅寄友人金宗民 程襄毅公

一別丰姿二十秋故山能得幾交游情牽柳絮風生席
吟對梅花月轉樓笑我紅塵叨厚祿愛君青眼異常流
藕塘隱處多佳致何日歸來共唱酬

晴洲詩四章美大司馬程公暨其子編修克勤

不忘本也程新安世家中以事遷公嘗至故居
處徘徊芝山練溪洲渚間不忍去因名其洲晴
洲而自號晴洲釣者屬

朝廷付託之重未敢言私比者編修君乃營室其
傍蓋以成公志焉

彭華

陟彼崇丘望我新安湯湯練溪鬱鬱芝山維木有本維
水有原夙夕懷之中心曷謏芝山之下練溪之澗濯
濯其鱗翩翩其羽載飛載泳各適其所嘉彼釣者安得
與侶 桓桓司馬

天子倚毗夙夜在公敢遽言私維宗與梓式迓來歸婦
期云何白首厖眉 叩叩太史司馬之子肯構肯堂遵
彼洲渚豈徒懷歸聿念尔祖願言淑慎以繩祖武

又

王獻

練溪溪水平如掌玉几群峯此相向雨晴雲白樹蒼蒼
落日沙洲明滉漾多才可尚父儔少年最愛溪山遊
手持青青一竿竹閒釣荻花千頃秋悠悠信是忘機者
短笠孤蓬更瀟洒得魚沽酒醉復醒吟看白鷗時上下
自甘清樂終此生傲睨軒冕浮雲輕興來拂袖坐苔石
一曲浩歌山月明偶因北協非熊起盡展謀猷佐
天子舊遊回首動遐思目斷江南數千里六十功成便
乞身扁舟歸隱故山春袖中不盡經綸策應付玉堂天
上人

又

周經

練水周遭漾碧流怡情最是雨初收蘿窓夢醒潮生岸

竹塢詩成月在舟湛露零零芳草曙清風蕭蕭白蘋秋
從龍一自中天會霈作甘霖徧九州

又

謝鐸

浴隔紅塵第幾灘淺溪清渚晝生寒尚書別後鷗盟在
不放閒人把釣竿
種竹為竿水上堤釣竿今已拂雲齊白頭歸去興周業
不是磻溪是練溪

又

林瀚

芝山、下練溪東一渚晴拖萬丈虹鷗鷺沙頭眠煖日
魚龍潭底見澄空紅塵遠隔形骸外光景都歸樂趣中
只恐廟堂留柱石未容此地學漁翁

雲巢為程逸民題

蘇景元

一室如巢似古人半歲書史半歲雲牙籤
瞑處羅陰合
窓戶明時葉影分弘景可能添逸興
放翁曾此播清芬
從龍翼鳳多辛苦甘伴鷓鴣老隙曛

題慈月軒

并跋

吉水彭汝弼

越國家世盛休陽遙遙華胄騰芬芳
羨今繼述有賢郎
丰標玉立何清揚妙年志在佐

君王採芹幾載游上庠相逢風雨喜連床
斯文意氣疇
能當從容索我賦詩章謂言少小母云亡
長大念母奚
能忘未識母面徒悲傷大書慈月揭中堂
玉輪夜夜散
清光琉璃汗漫照遐方
兔魄銀漢爭光芒西墜東升殊
未央母歸泉下終閉藏
天長地久何茫茫母兮不見割
中腸舉頭見月心彷徨
嗚呼此心江水長嗚呼此心江

水長

右詩一首先公分教初門日所作時世行方為縣學
生先公間趨郡城道休寧或信或宿必舍汪氏是時
教尚幼每先公出而歸探囊得所製稍能了其說且
問知其為誰某所謂慈月詩者蓋嘗習其辭既久猶
隱約存記不忘後十餘年教試禮闈下第入太學與
世行同隸率性堂相與道曩故顧屬殷勤繼而承乏
禁林世行往來京師所以敦叙者甚至今年世行
至自家攜此卷相示於是先公之棄諸孤者五年矣
俯仰今昔捧玩三復血涕交零成化壬辰七月教謹
書

康寧窩為大司馬程公賦

寧德林聰

康寧窩裏春無際保養天和得暫還功謝參苓身已健
心同葵藿髮初斑香銷鼎篆清宵永風動茶烟白晝閒
聖世正思霖雨切未應高枕向東山

又

餘干葉盛

乞得閒居養病身功成端許畫麒麟一宵深窹舊機舊
兩字康寧志 寵新却笑高堂空偃月誰知小塢別藏
春人龍卧此文能又霖雨還當濟萬民

又

門下生秦夔

南征新定舊山河 賜告歸來暫養痾種藥漫教延國
老閉門長自養天和洛中風致傳司馬閩外勲名想伏
波勿藥有期還北上
九重霄漢待鳴珂

梅友為程彥彬賦

文立

為愛孤標鬣出塵歲寒藉喜託芳隣一心鐵石誰同調
千古冰霜獨占春共識松筠全晚節馬知水月是前身
幾迴吟到黃昏後疎影寒香自可人

善存堂

吳翀

微之休陽閔君彥益性至孝一日鄰皆納于回祿而彥
益之居獨存人以為孝感所致以善存名堂予聞而嘉
之為賦詩一章異他日觀風者有徵焉

為善孜孜不惜功誰知此際格蒼穹幾家盡在飛灰裏
一室能存烈焰中蔡順孝誠曾止火劉昆政美卻還風
芳聲要使同悠久須籍當 朝太史公

偶至率溪書院作與族姪文杰曾杰

一堂開近水雲磯四面波光翠作圍吞墨巨魚應識字
入簾幽鳥亦忘機飲便酒色溥清露坐愛書聲送落暉
聞說芙蓉花更好秋來相約製荷衣
成化壬寅春三月望日篁墩居士書

題金宗道敦本堂

汪以名

平居孝義出天然敦本名堂不浪傳菽水承歡趨膝下
墁荒為樂動階前四時俎豆衷情切萬卷詩書手澤延
雨露滋濡蘭桂茂應知積善慶綿綿

又

蘇景元

種樹須培根根固枝不槁引水在浚源源深流必浩所
以純孝人行行念祖考堂前種靈椿堂後樹萱草澆培
既不違花葉常美好視彼墻上蓬盈盈路間潦豈不願
久存根淺那可保賦詩激澆風聞者興懷抱

姚氏樹萱堂

嚴君早逝養莫逮慈母在堂歡可承甲子重添三萬日
樹護期與雪霜凌

堂中母壽介期願堂北護花謹護持願得年年花似舊
母心安處子心怡

護草一名宜男一名忘憂因其物佩之則宜乎男
服之則忘乎憂故昔人奉母多取之以喻意吾鄉
休寧姚天德字時行蚤失怙獨與母氏居奉養甚
至近揭扁於堂曰樹護其得詩所謂焉得護草言
樹之北之義而名邪頃來蜀丐予以詩為題二絕
聊引其意云

賜進士第中順大夫知四川成都府事前監察御史
星源汪奎書

葉氏留春軒

歐陽哲

年去年來總不知軒中人物故熙熙徑松千歲色不改
山鳥四時聲自怡化日滿堂來杖屨光風一榻奏墳麓
生逢 盛世春如海壽域何愁兩鬢絲

休寧葉君志道有不受遺金之行名著一鄉甚久
且年躋七十有子克家德邵業豐而謹飭謙巽日
甚一日予嘗過其所謂留春軒者愛其幽邃清潔
真逸人處士之居命名之意又有得於以仁貽後
之義為之嘉歎不能已昔歐陽侍御宰邑時蓋嘗
禮君為鄉彥故侍御之弟中舍君賦此貽之予

是入知賢令君之家不遺桐鄉之人而為之揄揚
如此厚之道也是可傳已

弘治辛亥歲八月既望

賜進士及第中順大夫詹事府少詹事兼翰林院侍

講學士兼修

國史

經筵官同邑程敏政書

竹山為休寧汪君鳳英賦

海陵儲燿

日日開門對此君秋聲偏是雨中聞借為屏障非真畫
卜得比隣却出群屋底琴書常半潤江南風月舊平分
山人好是神仙侶夜半吹簫過彩雲

又

新安山水佳可賞汪翁住處尤奇壯高甍伏檻相連延
明月清風共來往就中一室幽且深竹竿籊籊高作林

簷楹盡日覆餘翠盛夏五月長瀟森床頭詩書幾千軸
到老長吟還苦讀由來閔子無宦情不似顓孫學干祿
籀龍生出更超然直此紀元弘治年文章五色已煥爛
雲霄萬里爭騰騫伶儉偶爾遺精別歸對山中舊時月
更期早晚獻琅玕願共冰霜保貞節

新安汪翁大祥別號竹山蓋所居背山萬竹森然
翁誦詩讀書盡日相羊其間不知外物之可慕也
其子循以家學取魁京闈試春官未遇而歸過予
道別因抖擻數語以為翁壽如此
弘治庚戌春三月下旬

賜進士出身左春坊左贊善兼脩國史
南昌張元禎志

月澗為富溪程君正思題

張旭

雙溪遶屋合東流月色橫空境更幽四面寒光長不夜
一庭清景澹於秋忘機鳥亦來吟榻吞墨魚能避釣鈎
不用虹橋三萬丈此身今在廣寒遊

懷鳳堂 綿竹縣尹汪君經出唐越國公之裔世居邑之鳳湖街其地有鳳山相傳鳳鳴

其上故君以同邑程敏政賦

鳳山山下鳳湖潄扁揭高堂見古心九奏簫韶音律遠
百年梧竹慶源深越公舊烈遺青史單父閒情亦素琴
勝地炳靈應有待雲霄他日看祥禽

題友梅軒

山雲吳益

山深無客伴幽閒種得梅花入坐寒莫為枝頭分冷暖
交情輕作兩般看

右宋國史編校吳君資深友梅軒詩一卷皆真蹟
若吾宗老丞相吉國文清公左史竹坡呂公總管
虛谷方公實一時鴻碩不可得其餘亦多幽人逸
士而山雲此絕尤有警策可諷也吳氏為吾邑上
山巨家編校為安撫文肅公曾孫以文行知名而
編校五世諸孫多賢者曰宗庇之子景亨宗懋之
子景在宗綿之子景暉尤惓惓于世德思振之以
為其族里之光文獻之裔固應爾邪其羣從多與
予還往故獲觀是卷而書其後

弘治四年歲辛亥冬十月下澣休寧程敏政題

休寧志卷三十七

休寧志卷三十八

附詩四

雜物

謝休寧金尚書惠臘肉

楊文節公

老夫畏熱飯不能先生餽肉香傾城霜刀削下黃水精
月斧斫出紅松明君家豬肉臘前作是時雪沒吳山脚
公子彭生初解縛糟丘挽上凌烟閣試將一臠配兩螯
世間那有揚州鶴

讀尚書金忠肅公遺事

孫元京

休轡植其步前後萬馬途河流決宇縣尺土為之郭若
人負特操應得良史書南渡有聖相惡鴟京黼餘微旨
出顰笑終身判榮枯當時盈庭議誰識雌雄烏尚有矯
矯者老鳳鳴高梧一朝位橫榻執簡宸庭趨臣有忠義

燧欲熟高城狐其人丞相况請即司敗誅仗衛咸吐舌
霜風飄玉除有嗔大如屋引去神明扶不許踵朝跡青
山生白鬚網羅八百士煙瘴嶺海隅歿者魂鬱結存者
聲嗟吁孽火欲延燎未足燒璫璵秦城王氣滅晉扈甘
泉車鼎呂立耆艾矩獲殫訃謨未覺年遽耄自視心逾
孤上章願得謝臣齒今桑榆石田不一頃越自筮仕初
屏間出揖客不見蒼頭奴至今談素節可以肅薄夫千
年歛川水永鑒寒蟾蜍試草招魂句冢隧荒春蕪

又

孫次臯

京黼積推壓官路廉隅毀翩翩馬渡江頽風稍振起吾
邦有鉅人自樹劇卓偉糠粃謝新經淵泉出古史拔跡
孤遠中大華冰雪峙廓落彤庭對天子早知已時雲

雷屯馳騫羅文武斟酌周漢策正將鏘律呂何物太平
翁視世臧反否朝同青雲上暮異重泉裏箱社忠義口
不得露生語公方陟橫榻勁氣蓋吳楚擊其外窟兔眼
底無強禦伊人怒生瘰儒夫顛有泚吾亦事遠引薰蕕
肯同處山林二十年烟瘴八百士巨靈擁全壁延英企
入扈而被鬼資餘蟲沙漭何許艱難黃髮重周折丹心
古但患有不聞寧有懷不吐阜陵亦尚舊往往訢聽履
一旦告老歸蕭然未第始平生負郭田不增一犂土客
來候拾事屏戶冷秋水質直黃少翁清苦羊續祖至今
振簡策灑浙疵各洗想見三代民靈運道出江日
夜流未存人物矩憑高賦大招文生

曹郎中先墓產芝次韻

曹公

佳城天與哲人居玉樹沉埋今幾時無復悲風纏拱木
但餘和氣耀靈芝清名凜凜人如在羨瑞煌煌事益奇
赫奕孝孫來景貺豈殊泉鯉表姜詩

有懷柳塘次韻十絕

方秋崖

手次生草勘鉉黃楊柳當門水滿塘殘葉已隨楊柳盡
一方秋水自荒涼

老矣南山歸舊廬上書北闕定何如可憐李謫仙人死
換酒竟無腰下魚

孤墳蕪沒野烟濃從古詩人一例窮風雨草堂無處所
只應山色識梁鴻

蒯侯空復氣橫秋落魄江湖不見收雨急黃昏子規夜
柳塘春水為誰愁

一經科目不伊臯入手風煙卧釣舫天上自容宮錦醉

玉樓何處夜揮毫

群玉峯頭醉老仙人間歲月似飛烟茶蘼花下客安在
不獨先生苦問天

浩然風露蒹葭秋卧宿仙人遺葉舟四海倦遊歸已老
斷崖只在屋西頭

蹇驢行卷識諸賢詩之沈沈地治前曾付媿翁題品過
不妨抱月對山眠

松聲猶自學吟聲三十六峯秋月明半夜沈寥山鬼嘯
不緣書劍兩無成

老氣如虹作麼去夕陽兩信塚邊明所思不至遺書在
付與秋風一鴈聲

僕曩過海寧東閭之墟伏讀許郎中義田碑心
竊敬慕不已今觀邵川許公買田于姑孰是弟
異居垂三十年其二猶子家而食焉吁何
許氏之多賢也作詩廿二韻庶書其事云

唐筠軒

貧賤重骨肉富貴驕天倫淮南斗米嗟千古餘悲辛
飢劬篤孝友或在閭閻人風習曾不問庶保後提仁苟無
波頹波人道將荆榛矣矣曰人代為之珍物情尚
離舍恩義微故新有懷評旦公夙志吾其伸錙銖游麴
富衣被鄒魯醇委源祈水上拓寰米江濱離居三十秋
猶子隨天申即事曠百載志二驚耶鄰坐令殘忍徒愧
汗沾車茵善端一以開天地一明神六言詩且康

雲未春我昔東閣遊列屋觀魚鱗中有省郎碑義度高
嶙峋總功動百輩一飽醜靡塵山川盤鬱在行客咨嗟
頻宗盟何多賢一髮懸千鈞文策幸見收詔此風俗淳

贈吳友梅資深

方虛谷

平生聞君曾大父真能赤手縛胡虜才豪不減辛幼安
文雄欲壓陳同父戈船垂作桂嶺征綵衣自向竹洲舞
乃祖愛竹孫友梅閱世繁華羞噲伍吾嘗謂梅乃吾儒
滋味必酸身必癯以君方之政相似宜爾歲寒盟不渝
冰心雪骨膠漆共蜂媒蝶使參商殊昔人得位慙鄉長
此意尤宗定何如勦君一語君然否君嘗與世無一偶
奈何傾蓋贈君詩將相侯王無不有友梅非與梅株守
人梅不殊即君友梅差易認人難知相逢一笑且杯酒

次韻休寧程君園來訪君先公伯祥秋厓先生
之至交也乙卯冬同飲于秋厓夜至曉

秋崖健筆敵黃陳贅卷當年許望塵十載江湖春鴈斷
萬山煙雨石羊新餘生敢忘樽前語先正曾同席上賓
今日相逢兩家子願言努力繼前人

次韻贈趙豈卿應元吟嘯公幾之孫乃父詩能

大門祖父昔聞聲交臂差池恨晚生欲與萬山脩郡志
誰能三世擅詩名故知龍領無魚目更覺松心異舜英
字穩句圓經幾煉定應九轉已丹成

次韻休寧西門汪璜隱

曹弘齋

君家柳塘翁胷腹納渠觀落筆輒驚人高歌期汗漫宗
風繼者誰忽在塘東岍年少藻思盛如水決淮漢松蘿

有此奇走也但欽讚

和休寧真率會詩

謹次韻松所先生真率會詩三首其一緝本意稍即景
其二謝謹獨先生其三於八位自號各摘一字在內稍
依齒次松所為序倡為詩合居第一弘末綴宜也謾發
朱先生一笑

八人五百四十二比飲中仙樂更真不羨浮榮惟貴老
但求適意豈憂貧招弓及我成癡客驚座為誰亦惡賓
畢竟忘形何尔汝清風明月要閑人

秋崖肆筆題耕綠認作蘭亭本是真况復門楣連詫貴
底須萍水尚交貧雨中訪覓驚闐闐興裏佞陪極主賓
一似春暉有偏照謂予同姓異他人

松蘿山畔石溪濱耕綠亭寬樂意真槐夏正陰宜覓醉
麥秋一稔總忘貧宜須獨酌誇同旅便可升歌合衆賓
髣髴耆英亦堪畫泓中毛穎屬何人

答陳壽翁

共此松蘿蔭蹇予萍梗身幾年傳妙句今日見斯人
技俗典刑老藏山文字新定交如擇主貞子倘周臣

七月十四日早子西自杭回休寧首相見謂昨

日至若鎮見程項溥謂予與江景周皆死矣總

管不樂兩三時至邑方知予無恙予聞之大笑

翻思壬寅冬定父姪死邑中誤傳予死清甫族

弟病歸或又傳予死癸丑春丁與可叔陪丁祭

趙拙齋問之云可惜令姪逝去與可同坐秋社

開

贈覺僧首 併序

葛文康公

建初寺如覺道人讀書工文尤精三篆為僧首累年即

求退檄汪慧滿禪院亦辭不就 到官時春秋七十有

三獨少重聽而精明不衰連枉詩文咸清麗可喜殆當

與靈澈浩仞輩抗衡黑衣中未易得也

上堂慵算海邊沙分衛寧甘向七家篆筆頗疑傳棗木

方袍不羨賜蘭牙名高白社推尊宿林似紅樓更麗華

連枉清篇洗塵滓撼巖留與里人誇

輟奉米餉休寧程生良器以六言代簡

君貧政似原憲我秩猶早曼容疆致公田五斗自當榮

祿千鍾

好事伊誰授，祭辦嚴聞說。春糧貸粟漫資在，史指困深。
埋周郎

陋俗爭慳半菽高，賢那直一錢求活。枯魚肆內受恩，
顛山前

縣令脂膏穀薄書，生氣習酸寒端似揚。脩鷄助聊同閔，
叔猪肝

贈星洲僧了然

禪林古有一宿覺，講席嘗聞一徧照。凡馬十駕及駮骨，
况子秀穎顏齒少。星洲巖壑鎖烟雲，千柱浮空覺王廟。
似聞焯掌作書淫，乍或橫肱究心要。明窓淨几覺儒玄，
二塗一得可前料。香浮牛首禮圓光，喟似魚山勝長嘯。
聞熏大士豈唐捐，機鋒嘿贊潮音妙。

五月望日會食普滿院夜歸作詩呈文中縣丞

玉老禪師

簿書填委我何堪，茶串携尋井水甘。幻境豈能踰十十，
禪機聊喜契三三。竹風敲玉清音迥，荷雨跳珠綠影涵。
檀施敢夸蒲塞饌，欲因盧至戒慳貪。

羨許孝子併序

方虛谷

許公度使君悼亡後亦有疾，第三東閣居。母喪侍父藥，
餌極勞悴。迎公度寓竹所道院，當暑躬執爨，治膳及秋。
涼父病遂愈。府判孔公羨之以詩韻，險難賡以意和焉。
命題曰羨許孝子云。

聖善已云遠，義方猶此親。須嘗許止藥，未老實郎椿。竹
院深床穩，烟庖垢面塵。曾參養曾皙，剩閱舞雩春。

黑楊梅全甘乃越之上品移植休寧者暑祥食
之蘇醒弄筆戲書 二首 孫元京

破暑佳梅慰客心清妹自有色中黔頓驚巧里酸何似
正屬文園渴不禁

山樹能生却暑丹仙漿巧滴凍冰丸戲成異狀崑崙黑
全壓同宗越絕酸

懷二賢

劉彥昂

宋允升

早膺鄉薦多藝著文既際風雲登名禁苑官翰林學士

黃峯三十六秀色千雲霞哲人結茅屋飽讀書五車乘
時展經濟白日升天槎挂冠仍著述人羨筆生花

趙子常

潛心經史尤貫春秋嘗負笈於虞門自養高於林下

晨樵歎山青暮汲歎水綠閉戶動一紀守道不干祿平

生春秋覘疑義如剖竹哀哉青城翁心喪三年哭

哭吳義夫

行止公何愧虜成命不移寧知山裂夢遠恊水窮
已昏談扇泉猶落墨池升堂殊素約清決九河曬

次韻奉酬江瑱隱然呈騰遠公

唐筠軒

我昔遊海寧行役動決旬手弄斷崖月足躡松蘿香結
交半老蒼不揖無詩人購材入山宅那用資選檢
來岷崗琢玉不琢珉自給頗個儻時論無少湮
龍氏夜宴常及晨心交瑱隱公義薄雲漢津我老
道於君鶴幾塵每當利珠時稚子應門勤牙籤三萬軸
此士正不貧我為冷
中羅百珍何時德星
見荀與陳俗士溺於口舌語

毋徒諄相看七十全天真持誼獻天子願作康
衛民

寄贈休寧畫山水歌 虞文靖公

唐侯平生愛山水 二平萬山裏賦均訟簡盡日閑
極目高深筆端起 圖書何處求傳流名世稱湖州
趙公天人日已遠 西來惟說侯昔侯才華少年見
縉紳大儒共論薦 學官寂冥名已聞有詔徵來詣新殿
殿壁初成玉氣溫 命侯染翰始承恩群工銷沮侯歎息
奏賦一篇辭帝閣 莫年得意轉精好復以名高為人惱
勢家富室俱不與 遠寄時來慰衰老憶事先朝日未昏
閣舊歲多討論 相忘木石已多歲手把丹青勞夢魂
神過雲歸西日下 茅屋炊煙不須寫空令洞口艤舟人

更覓山中種桃者

題休寧畫贈邵思善

虞邵菴

蜀人舊作湖州守 刺有風煙在此邦 後世後人持健筆
一松一石落寒江

天田左角蒼龍獨太液 西頭黃鶴變我欲題詩向吳越
垂虹明月倚漁樓

題贈邵思善

唐子華

我愛青門香能辭 雁鷺行惟五寫山水况復善文章 屏
外雲長合庭前草自芳 何時得乘興 醉墨試淋浪
至正戊子二月望日手華書于寓舍

題唐休寧作贈邵思善畫圖

黃季倫

齊雲岩下三朝雨 水長橋頭一文深 長空影落楓林黑

遠岫寒通茅屋陰青門孫子戀丘壑白首縣公高古今
二妙俱仙不可見空將遺墨動予心

書戴廷芳孝子傳

唐子華

戴君雖死不死同有子肯堂承父風未生一月父先死
至今啣痛哀無窮哀無窮盡人子一念感天天錫祉當
其襁褓間撫育依舅氏及其自樹立進進殊未已讀書
不求名治生不求侈了知富貴等浮雲日與高人談至
理惇然年已四十餘猶抱戚戚羸其軀有時省墓林木
為之動有時號泣猿鳥與之俱山可崩兮水可竭思親
之念無時歇無時歇常呼天天荒地老空雲煙竭來承
乏領花邑每愧空踈百憂集昔之教政恐未逮徃徃民
多居罪籍忽聞田野得斯人我憂能釋民能淳旌子之

孝光族姻勗子之志終其身官府聞之為興起鄉井聞
之俱自新太史聞之為作孝子傳名達宸聰動宸眷我
詩以實不以文猶勝支離謾成卷

黃清夫母夫人節詩

揭文安公

新安之水清且深深深如見黃母心新安之山高烈烈
烈烈如見黃母節母也不幸早娶居三十未有二十餘
六十餘載一日如子又能孝孫詩書慈母之德靡不宜
人歌不足國旌之母今已死歸何時新安之山可剷而
夷新安之水可陸而馳黃母之德不可思

又

貫雲石

天荒兮地老山杳兮雲深川何疾兮東逝日何速兮西
沉血肉之軀胡為化石而獨立層冰之鯉胡為自獻於

江潯嗚呼古之人兮不可作新安之節婦兮復見于今

又

趙仁榮

青青墳上松皎皎江上月月明黃母心松高黃母節此節與此心千古永不滅

之黃竹道中和敬姪韻

程以文

得官憐地近騎馬怯山行水竹人家晚林花霧雨晴隔溪幽迳斷觸石亂泉鳴報國心何有狂歌樂太平

遊星洲寺遇朱公濟為母修佛事留宿不果

晚泊星洲渡欣然見竹林寒烟山店迥寺門深小語逢佳士清齋識孝心僧房肯借宿自恐俗塵侵

寄璫溪金子西總管

記得升堂拜母時年年此日會瑤池青桃果熟離盤薦

斑竹簾低繡帶垂笑喚歌姬吹玉笛強隨醉客插花枝今朝京國紅塵裏極目松蘿有所思

送曹元達歸休寧兼呈汪府君

曹生家多書老屋松蘿下短牆圍翠竹窓戶極瀟灑屏間古篆韻鍾鼎雜疊洗風搏屋角花苔翳牆頭瓦開軒納空曠西北見平野市人競錐利俗士眩虛假那知縣城中有此幽獨者三年西湖上一笑手重把清詩富才學浩若驚滌瀉過我便告歸情親意難捨山林有真樂榮顯付土苴玄思邁墳典孤詠到風雅惟有退密翁時時來下馬

哭秋江黃處士

唐白雲

古道重生死交情念別離當年季相國好賢忘渴飢處

士坐東閣供帳出等夷開口論利害如斫生蛟螭銚鏑
中冓祭一一隨所之或者勸筮仕掉頭從此辭裴回萬
山中慈母登耆頤憶初母抱病鑿藥弗克治神明托夢
寐指點令人為秋天割崖蜜莫夜還家遲猛虎卧當道
磨牙白差差須臾虎馴去熟視無猜疑母啖味益永母
療疾如期後增風木感常懷莫我詩歲在己巳秋我寓
吳松湄處士乘單舸短袖風披披殷勤出畫軸墨汁猶
淋漓怒石迸欲落晴江吹漣漪松根着處士漆墨長須
眉俯瞰秋月明一鈎釣竿垂可憐竟契闊消息兩不知
偶然識令子如公兒瓌竒問答未及了涕泗生慘悲處
士已仙去白楊冢纍纍吾意翁不死精氣~~之~~馳化為
岐山鳳產作齋房芝不然丁令威重有歸來時

謁士毅倪先生墓

陳自新

民生三事本倫彝今見龍溪伯仲知不獨心喪遵古禮
更捐吉地塋先師山形隱隱皆鍾秀文脉綿綿正在茲
二美固應傳百世墓旁尚見立豐碑

贈澄節朱處士

汪璜隱

北郭幽偏是鶴山一軒高卧白雲關先生道出羲皇上
處士名標晉宋間尊俎風流無俗客琴書和樂足怡顏
天邊一札驚猿鶴只恐公今未得閑

又

吳和叔

北軒處士稱澄節不負山林隱逸名繞屋種芝堪飼鹿
移尊傍竹喜聞鶯江南前輩多零落鄉裏斯人獨老成
想見風流唐令尹公餘相過叙幽情

又

山翁八十謝名聲
南北風霜亦慣經
君署新衙為處士
我懷舊友若晨星
曾過五柳江邊宅
更上雙臺石上亭
千古高風當可企
且從猿鶴伴雲扃

汪稱隱

題休寧汪府判壽藏

虞文靖公

未老能閑與世違
丘園贏得豫為期
啓書占得連山艮
鼓缶歌餘日昊離
雨過浮雲還岫晚
霜餘碩果落林遲
古來存順歸寧者
履薄臨深敢遺思

又

鄧文肅公

肯辭簪紱遂幽居
豈必黃金賜二疏
家有青山甘柱笏
年方華髮已懸車
高懷粟里初歸後
往事槐安一夢餘
莫訝嵇康太踈懶
幾人能草絕交書

又

浦長源

宇宙一抔土
今古幾大夢
可憐百年間
何異一轉蓬
將須史景嶽
作無涯用劫
還石鏡拂海
變桑已種
爲人
有達觀等是
小兒弄策名
三十載朝陽
嗟孤鳳至今
兩
邑治饒枕尚
能誦功名秋
毫輕意氣萬
鈞重平生薄
世
味夫豈求異
衆增年吏偶
尔佚老天所
縱玄髮竟懸
車
雲俄脫鞵來
訪松菊翁相
對日
調牽私戲曾
稱開
廷延二仲無
錢閉門獨有
酒留
名共既使佳
山約有
窮途慟莊周
齊生死
道遠
夫送往時貴
金張今代稱
屈宋玉棺待
歲易丹鼎期
未末頭竹柏
堅悠悠任梁
棟

敬題程孝隱卷

汪稱隱

隱者難枚舉惟君以孝名桂軒新扁揭樞府舊宗盟末
感終廬墓無求不入城油然敦厚俗瞻望若為情

又

夏弘毅

太樸日以涸網常一絲繫君獨返洪光孝隱以自勵古
柏號寒宵風燈吐復翳抱經醉未醒與義得深契曾閱
有餘師沮溺遠恐泥願言充華崇純孝淑斯世

送黃子運自石門遷館琳溪

陳天迪

東巖之山其泉涓涓彼姝者子其聞則賢坎止流行求
書來遷溪月為燈窓風入絃東巖之樹其葉泥泥維
主與賓如兄如弟相知以心相接以禮曾是勿留以乘
宿契東巖之石輪菌屈盤古道責人今時所難為
易俗庠塾之間持身以嚴敷教則寬乾坤爽氣

之阿上摩玄霄下臨清河秋林欲丹春酒潑波携
儔唱子好歌

寄汪府判孫

鄭彥昭

故人相別十年餘珍重交情遠寄書大好山川多感慨
百年人物半蕭疎孤城據險還堪守斷石臨清尚可娛
送客杜門千萬里白雲紅葉憶山居

題休寧呂安貞雞肋集

唐白雲

小年學詩雙髻丫每嗜險語同劉义邇來懶惰謝錐削
尚覺胸次饒槎枒呂郎本是後來秀筆勢老樹孫秋
時時相過窺底裏曹丕奚翅十倍加偶然遠賦雞肋集
燈前摩挲眼纈花織坊青紅費機巧裁剪纈密無奇
又如赤手控生馬不使蹄齧駕鼓車我嘗擊節一再讀

誰謂佶屈猶聳牙
呂郎落托頗差異
舉俗姪耳喧琵琶
似聞譜系出左史
螭頭曾立書黃麻
殘膏賸馥九里潤
宜許文字專渠家
明朝驅馳向翹館
山中酒熟酸梨攄
團團岩桂月更好
點綴金粟開竒葩
倘逢故人詰新作
揚雄老矣傳侯芭

送趙子常還休寧

夏大之

江東至此有千里
賴是北風吹送船
一見知為故人面
相逢記得數年前
醉捋春色未為老
清到梅花如欲仙
又更南尋虞學士
呵寒涉筆為裁箋
黃州橋頭黃葉飛
春來相望憶歸遲
遂為天藻道園客
直到杏花春雨時
特立孤松真晚節
飛來雙鶴有幽期
憂飢憂溺誰知者
千古悠悠兩鬢絲

過汧府訪程仲本就寄朱允升

吳克敏

翠瓦紅樓碧水濱
遙知不是隱居人
芝蘭已映侯門日
桃李猶開相府春
君有一經能教子
我無三釜可娛親
紫陽博士時相過
應寫高吟滿卷新

和余子用見寄

清秋送客斷涯東
回首旌旗滿目紅
歌詠舊依花檻外
驅馳今入柳營中
玉龍買得能無價
金虎頒來定有功
為問新除吳主簿
關前誰是萬夫雄

哀孫哲

義旗夜襲百花營
掃盡妖氛境內平
只為當時輕視賊
遂令今日再徵兵
忠魂長抱千年恨
死節終傳後代名
青史煌煌有公論
定書孫哲復徽城

題汪節婦旌門復除詩卷

黃子暉

有美王家婦孀居四十秋瑤琴絃易斷玉斧月難修淚
眼分龍劔真心誓柏舟空存偕老念更抱未亡憂曉鏡
孤鸞舞晨冷雙鯉羞女歸嚴盟饋男大學箕裘共仰賢
無比誰云德不酬皇天還有眼白雪漸盈頭仁里稱榮
壽鄉鄰則善柔獨徭官政美表宅聖恩優花縣春初洽
蘿山翠益浮一家矜袞黻百世式銀鈞班史書清節周
詩著好逑風聲流遠近瞻詠思悠悠

贈徵士黃子中

李克魯

徵士黃子中以儒從軍既獲武功復求儒職以遂素志
從予麟攝教黜庠故贈俚言以發一笑云耳
十年辛苦一遭寒後筆從軍世不難莫把姓名汙吏籍

更將勲業寄儒冠何時擬入芙蓉幙此日先嘗首若盤笑
我賓厨供脫粟休將長鋏等閑彈

哀吳克敏

孔從善

克敏休寧南門人元義兵萬戶守昱關天兵克復再戰
不利退守札溪題恠石落花一聯于石壁遂自剄因足
成之

萬里西風起馬蹄金戈田日塞雲低未為豫讓先亡趙
欲效田單獨下齊恠石有痕龍已去落花無主鳥空啼
至今天與英雄恨嗚咽泉聲下札溪

又

無名氏

長堤行盡復清溪禾黍高低路欲迷恠石有痕龍已去
落花無主鳥空啼幽居欲待元戎卜佳句驚傳壯士題

却恠昔人成底事獨留遺址付鉏犁

贈別趙東山子常

陳基

洪武二年春基被

主上命詣京師與修元史東山亦自新安來時置局天
戒寺凡閱七八月乃克竣事有

旨老病者放還基二人與馬八月中漸將別意有不忍
舍者因賦此以寓惓惓之意

君家江左吾浙東兩地邈然牛馬風一朝史館得聚首
語默寢興情適通君之博洽漢馬融春秋三傳以例通
百源雖異委則同鼃鼃蛟虬象魚龍變化叵測紛相從
雜還待問聲蘊鍾傾竭底裏無靳容惜乎我病力不逮
期以後會毋匆匆君行歸歎我吳中并州故鄉無定蹤

加飡勿藥各愛躬作詩叙別心冲冲

寄趙徵君

宋潛溪

東山先生多病餘四十始至已白鬚落花滿庭無意掃
風雨閉門長著書先生自是天下士呼吸冰霜歸肺腑
吐出寒芒欲照人百丈嵌巖落瓊乳前年去客王將軍
將軍白面正攻文衣涵龍尾溪頭月殺染紫陽山頂雲
憶昔歙州同聚夕花陣酣紅春脉脉語濃但怪罇屢涸
不知海色東方白三年不見情依黯多為相思腰帶減
城頭寒鼓聲統統怪殺行雲向風淡

贈朱允升先生歸新安

陶主敬

年年應召赴秦淮此會留連百日偕
王室大興新制作客牕細話舊情懷未霜荷葉迎湖露

初月梅花映雪齋更為相逢多勝事御溝垂柳拂春街
呈朱先生
陳自新

西風忽起江湖思南國今為虎豹關盛典已聞崇翰苑
老臣不遣入朝班玉堂蓮炬承恩日金殿茶甌近
聖顏信是地靈人傑出文星正對紫陽山

訪程九萬不遇

葉宗茂

曉發松蘿醉未醒不辭騎馬到林垞道人何處尋龍去
閑却一樓山色青

張節婦 張子淵母

趙東山

書哭年方盛時艱志益堅九原無起日一節遂終天逮
下恩猶昔隆師子象賢姓名歸太史墓碣不須鐫

程公彥保仁厚士也嬰奇疾其嗣叔安焚香籲

天剗股為糜供之遂愈因贈此 范平仲

父疾遘將危倉惶莫可治籲天焚寶炷剗股進香糜體
况欣隨愈神功妙勝鑿孝哉程氏子景行古人為

送吳希道歸江東

俞子懋

千里相逢情綣綣九秋言別恨依依鄉心正切尊初羨
酒禁新開蟹正肥彭蠡月明波浩蕩芙蓉雨霽路彎碕
明時好展經綸手未許璜川覓釣磯

寄俞茂齋摠制

余子韶

蒼姬德澤被遐荒白雉殷勤致越裳地控百蠻需大將
世傳三鳳偉中郎襲城去夜長雲黑奏凱歸時落日黃
光樹竒勲看偃武玉堂簪筆侍

君王

僕射軍中如弟兄元戎和氣有威聲千金不惜尊賢士
一劍猶能下虜營委屬彤弓朝錫宴旌揚赤羽暮分兵
新安屈指英雄輩父老咸稱第一名
庭草生香意自餘先公碩德重璫璫小齋

深巷時迎長者車世路風塵淹歲月松檉煙雨暗丘墟
那知燈火城南約又聽韓符夜讀書
八年百戰擁干戈忽得家書喜若何春色欲催如意舞
曉食還憶廣陵歌看雲白晝情逾切聽雨清宵話轉多
佇見朝京過鄉邑錦裘晴日動鳴珂

題節婦朱氏卷

黃士遠

祝婦清風自不泯尚書遺墨更堪珍十年卓節傳青史
萬文文光照翠珉母也難渝之死誓天平宜報來臣人

有兒克紹詩書業幽問酸辛莫重陳

送朱子範赴滁州來安主簿

苦竹山人久在山新承雨露向來安滁州遠過一千里
簿領才為九品官潘岳縣中花樹少醉翁亭下醜泉寒
春回黍谷頌鄒律側耳風謠頌枳鸞

送儒醫洪毅夫

朱大同

松蘿山頭雲氣橫落石渡口滄江平舟人艤棹童子候
欲別未別難為情洪君不獨醫國手千金秘傳懸肘後
蘇家有井不自醫投劑三豎聞風走江樓有酒君莫斟
酒斟不盡離人心杏花成林春風深花屏山下來相尋

送任本初之臨川兼寄張總管朱子範

任侯本好文張君本好武好文曾被儒冠誤好武却佩

黃金虎暫捐俎豆事弓劍萬戶封侯當列土張公堂堂
八尺軀却喜商略到千古是時任侯在幕下兩人肝膽
互吞吐張公領兵從西征任侯不行以病阻歲暮天寒
風吹雨戒程有日子良苦塵沙漠漠白日昏殺氣連天
遍村塢戎車一乘馬什伍供張東門將或祖我執一觴
為侯告大江之西州有撫故家文獻何班在昔儒風
比鄒魯近年虞揭相繼作一時儒者宗薛愈玉堂秉筆
贊鴻業天球河圖在天府其餘流落人間者滄海尚有
遺珠取我今行年旬近五繪句結章皆不數天孫織出
雲錦裳如向虞庭觀黻黼乃今何幸子有往常時功戒
軍鈔虜秦阮之焚兵火契斷文不絕僅如續片言隻字為
求購或有遺闕老夫補之後代視制作方員不可少

規矩因之亦可表世澤四海同風尊一主大抵文章關
氣運古今天下無此普未應光嶽遽分裂不使吾道被
寰宇任侯任侯爾好文何用區區慕飛羽遺書收拾蚤
歸來姓名自可勒鼎俎老夫此語侯謂然并告張氏克
明父

懷鄉友汪彥才

任本立

浮雲聚散幾悲懽久客懷安憶萬安門對西山朝氣爽
城臨東海暮潮寒身隨斷鴈兼秋遠夢入踈砧向夜闌
為問松蘿舊遊好別來花月共誰看

見鄉人程大

少年策馬辭鄉邑落魄天涯幾秋色三山昨遇故鄉人
不見姓名應不識布衣拂却江海塵相看感嘆念情親

青春作客無遠近白髮從軍多苦辛以茲失路誰相顧
我向東留子南去歸夢不離滄海雲邊愁遠結青楓樹
楓樹家林隔海天百年聚散一茫然簪纓故舊應誰在
萍梗江湖祇自憐臨歧執袂思傾倒明朝又別關山道
心隨斷鴈向斜陽愁對離憂醉芳草

寄汪先生

客身飄泊類浮萍塵世風波夢亦驚千里青山違故邑
十年白髮戍邊城王門獻草今時寵孔徑看花舊日情
魚鴈不辭雲海闊謾勞尺牘慰平生

林寧淮城西有孔
徑嶺汪氏始創

送范平仲

周子治

惟昔初見君傾蓋即欣悅別來一相思夜中至明發忽
復十載餘俱為鳳臺客清論既綢繆高文更竒絕蕩滌

去年送客湖西路細雨落華春已莫今年送客浦陽江
六月秋風吹柳樹年年送客為賦詩賦詩每以功名期
玉堂金馬等閒去朱衣紫綬笑取之歸來高卧食自鄙
此語云云成戲耳相如不是輕薄兒馬周終匪窮途士
古人窮達各有守今人喁然何所有百寶粧腰逞豪俊
千金買馬誇疾走春風笑看陌上花夜月醉眠蛾眉家
平生事業止於此傍人為爾何咨嗟汪君汪君拔其萃
讀書論道真我輩江山萬里在胸中洗却人間綺態
此行必奪錦袍歸腕頭更佩金纒纒若問今朝作詩者
竹冠草衣繫藟羸商歌飯牛松下坐

又

汪尚志

團團鏡湖水瀾瀾清且涼駕舟揚其波喜姪在我傍姪



原件短缺

有干霄志便欲凌風翔瞻彼芙蓉花采綠攀紅芳紅芳
紉為珮采綠裁為裳裳以披秀色珮以懷馨香贈之萬
里行行遠達帝鄉素抱泉石心寫作雲錦章一遇堯舜
君千載揚景光會有南來鴈音書莫相忘

送金彥中赴江浙行省告襲

金元忠

胸次甲兵全勝策篋中珠玉餞行篇他鄉會合真堪喜
列郡焦枯亦可憐君且梯雲登要路我將載月泛歸船
湖天好處應須記十里香風漾碧圓

與金彥直同泛海南歸

趙仲穆

公子好騎射值此烟塵日擒賊談笑間聞者皆歎息論
功當受賞光耀何奕奕封侯信非難時哉不可失

題程國輔會稽行卷

錢唐錢宰

馬鬣血從殷舊戰袍旗影夜翻瀘水淨劔光寒射雪山
高當今

天子多神武况有元臣熟豹韜

又

程文通

文德昭昭偃武功還因平寇見丹衷破山始覺雷霆怒
安國真兼將相雄立馬陣前降醜虜洗刃江上散腥風
無人不祝程司馬萬歲千秋侍

帝躬

笑殺羗戎奮蝟毛迎戈授首請恩褒讀書可訊無漂
杵禦敵何須有戰袍淑氣挽回西極表凱歌聲動北辰
高蠻方從此烟塵息不用重勞演豹韜

又

孫士輝

三朝分閫著元功詔遣南征出

帝衷許國名香多士口摧枯心奪萬夫雄雲旗獵獵搖
邊月雷鼓嘈嘈震海風到日百蠻甘殞首効忠欣見竭
清躬

破敵掄材屬鳳毛功成深沐九重褒龍章燦燦輝紅
錦玉節煌煌照紫袍群獠穴空隨地盡三降城築倚雲
高太平從此干戈戢閑却陰符與六韜

元旦破鐵爐寨東大司馬程公汪英

夜砲前軍震怒雷鐵爐堅寨遂攻開魏林死戰無山菁
狐兔生擒出草萊崖上雪消驚臘退陣前風暖覺春回
漢家若論封侯事諸葛真為大將才

壽致政大司馬休寧程公丘濬

解將留務稱閑情人道晴洲晚更晴早歲未忘霖雨望
誕辰惟願壽星明無人不頌軍中范有子還期洛下程
共愛老成為國紀緘詩千里祝長生

又李傑

拂衣歸伴赤松遊勇退無難自急流閩外昔分戎馬柄
山中還切廟堂憂功勳已見傳千載甲子才看數一周
只恐

君王念耆舊未容華髮老晴洲

送程諭德歸省還休寧羅璟

少小攻文白玉堂博聞洽物故殊常秘書大帙瀾翻遍
經幄忠言次第將目斷白雲飛綠野面辭丹宸下青
坊十年最有同官契莫為臨岐惜盡觴

絡驛寧親近日無分明

聖主重文儒躬秉不御冬猶暖驥足頻更晚可呼到處

山川增勝槩幾多詩句詠長途雙親拜罷憂兼喜早奉

綸音入帝都

李東陽

楊脩家世本公卿更信文章况老成館閣盡推良史筆

君王親記講官名琅函玉宸丁寧詔去馬歸舟日夜程

却倚三台看北斗鯉庭鸞掖正含情

商良臣

程君負岐嶷文采由夙成垂髻入禁垣榜眼超群英

館閣列侍從動地聞香名詞源瀉三峽筆陣馳千兵論

思重啓沃一載越承明東朝資碩輔德諭位望清報

主竭寸丹色養尤關情抗疏荷殊旨遑遑獨南征駟

馬隨朔風寒月搖雙旌鄉夢繞松蘿歸路參屢橫司馬

昔懸車綠野開山城膝下展餘籬足以慰平生綵衣雜

環佩春酒時復傾天倫因為樂詎可忘忠貞况有

天子詔丁寧卓還京

送程上舍克儉休寧掃墓還京同郡鄭達

朔風獵獵吹泥沙長途歲暮飛梅花左手持鰲右持酒

送君躍馬趨京華京華千里渺烟樹君何為來亦何去

盤盤先壠松蘿山杳杳親庭司馬署來也掃松去問安

天寒遊子征裘單平生孝念入骨髓來去豈憂行路難

克儉當天登俊又孝子忠臣無二致况君才器已垂成

結綠飛紅未經試嚴君天上司戎鈞難况日下持絲綸

王侯將相有美，隨着鞭猛進。無因循我亦，蟾宮攀桂客。
東風吹下江南，陌青雲携手約。何時共叩
天闕獻三策。

送程公子克寬赴秋試舉姻

濟南陶元素

君家住近五雲深，青鳥時來送好音。
羔鴈已將千里約，絲蘿願託百年心。
伊川正論傳遐邇，徽國遺模重古今。
燕罷玉樓歸覲日，都門楊柳正垂金。

士熙叔來南都適值誕日

父行雖多喜，獨存遠來看我引。
曾孫好生嘗濟恒，饑苦養氣曾培不老根。
閒向窓前吟白晝，樂從溪上釣黃昏。
壽星昨夜光南甸，春酒先從介一樽。
成化癸巳暮春

賜進士出身資政大夫奉

勅南京叅贊機務兵部尚書兼大理寺卿姪信書于凝
翠軒

題王希大行卷

世事榮枯春夢中，悔將簿領後踈慵。
忽觀覽勝真高尚，曾涉尼山得幾重。

舊治民王希大持江湖勝覽卷來京謁予觀其文
賦詩歌皆諸縉紳傑作希大復索予續響不揣遂
成小律以塞其意云辛丑十月望寧德陳寓書

陪歐陽令君莫故宋尚書金忠肅公墓并立石
表敬賦紀事成化壬寅冬邑人程敏政書

桂棹三奠隴雲寒共識賢侯此意難
泉下屢更新歲月

人間誰問古衣冠青山再下樵蘇禁白石重將姓字刊
擬有頌聲傳故事無邊光彩動林巒

和程先生韻

歐陽旦

寥落荒原白晝寒緬懷前哲濟時難北來風雨將頽屋
南渡君臣自毀冠獨立深為天下計孤忠遠付後人刊
崢嶸石表青松晚十里閑雲鎖翠巒

過龍源趙東山先生故居

秋風喬木澗聲長峯麓猶存舊講堂麟史在文高衆子
龍源山色勝吾鄉藤纏廢礎荒門徑蘚蝕殘碑寄孔墻
珍重遠孫留客意不辭歸路踏斜陽東山書院石刻
後拙學宮故云
成化壬寅八月既望後學程敏政書

成化乙巳夏五月廿又五日過龍源橋有懷東

山趙先生

歐陽旦

龍源橋上一披襟拂拂清風起竹陰今日東山初仰止
十年北斗已傾心道從濂洛揚遺派樂奏雲韶識正音
千載傳巖重物色濟川舟楫濟時霖

成化丙午夏四月廿又三日因公事往北屯倉
途中書所見并及地產鄉俗

村迴路轉綠陰稠一處郵亭幾處樓幽戶迎山皆北向
小渠分水亦東流按圖地產君臣藥問俗人租子母牛
慚愧遺黎承奉意新茶新筍碧磁甌

送孫公潤還休寧

陽湖山面陽喬木森千章不改四時色云歷八千霜中
藏舊宅第流翠匝門墻叔敖積德厚黃河流澤長耳孫

負英氣雲漢龍泉光釣渚歌聲霽春園履齒香好交縉
紳輩優入禮義場不憚千里遠顧我白雲鄉雲雖如素
練不堪克行囊柳尚未生青自愧山荒涼茶取雪水烹
清味共客嘗紅冰斫鱸膾聊以侑離觴乍會又云別情
付鴈飛忙

徽之休寧孫沾公潤南京大理丞孫廷珎友也予
昔濫總南臺時公潤訪廷珎因相識及予終養還
鄉音問不絕且不遠數百里訪我於貴溪則公潤
好禮尚義槩可見矣故賦此為別時成化己亥十
二月十有二日

賜進士中議大夫都察院右僉都御史致仕五宜翁
貴溪高明書

諭德程先生以先襄毅公 賜葬 恩入謝于
庭 詔復官公之長孫堦為錦衣世襲百戶以報
其功卹典優異軫念老臣中外聞之無不感勵
而堦則先生之長子李氏甥也先生携堦南歸
有日言別之際情不能已因用贈行者韻強賦
一律少見離合之意云 李璋

京華時雨乍晴天又拜新 恩自北旋報典固因先世
澤承家應喜後人賢一帆夜月蛩吟動千里秋風鴈字
傳骨肉相違情不盡恐將萍水話離筵

又

趙昂

兩見 殊恩下九天慙慙入謝又言旋三孤位副前人
謚六品官增後嗣賢畫舫暫從江上去芳名應向里中

傳明年春滿長安道重整衣冠赴

講筵

吳孟高孝子

吳門張習

年來吳猛未云無厥孝鄉間可範模為子每期須養志
療親何惜遽殘膚鶴鳴華表今雖沒珠吐清淵素不汚
人在九泉名在世月明啼殺樹頭烏

邵節婦朱氏

半壁寒燈照苦辛白頭甘作未亡人幾家文獻存孤子
一脉綱常繫此身雪後松筠真耐晚風前桃李漫爭春
登堂細閱丹青卷擊節還思板蕩臣

休寧邵節婦朱氏年二十七而寡能保其孤鞠至
於成人授室而節婦則年六十餘矣鞠奉母訓甚
謹力學好文遇知名士即進謁求益於先世手澤

悉購藏之人以是知邵氏之興未艾而天所以報
節婦者有在也予於鞠有姻戚之雅為賦此詩若
上其行于朝而下旌門之典為世勸有司事也
故不贅然節婦之行豈以是為加損哉成化壬寅
冬同邑程敏政識

又

江浦莊景

持卷吾誰有邵翱開門斜日在秋袍北堂老節真能苦
東所文章豈浪高風教此心人自激丈夫吾眼氣誰豪
白頭秋晚南山下我亦題詩首重搔

送巡按何侍御至陽山寺歸途作時成化壬辰
閏八月廿七日篁墩居士題

為送行臺出縣門不辭携酒到山根竹陰正入支公寺

樹色遙連主簿村潮啣新沙知廢路水春綠
望中一簇峯巒秀問是鄉名古夾源

送族姪孫智南歸詩并引

兩程夫子之先實徽之休寧人一遷中山博野再遷河
南見於歐陽公碑銘胡雲峯祠記可考也提學侍御婁
公及令尹歐陽公復興其祠于學宮遣縣從事程智入
奏于朝禮部得請許列祀典并及遺愛鄉賢二祠
一邦增重伊始自今而予於此舉慨念先烈倡之贊之
蓋嘗兩致其力也予視智為族姪孫言別之際特託祠
事首末成詩四十八句為行李之贈噫智亦何幸署名
于兩夫子奏牘之尾上聞九重而下託之以不朽也

式

泰惟兩大賢命世出嵩洛上焉繼往聖下焉啓來學侑
食大成殿專祀中山區俎豆無終窮道化與之俱眷此海
寧鄉先世所自出舊廟莽不存過者愧儒術憲臣秉學
政令尹司化權坐協師生議要使人文宣一函走言狀
宗伯告

天子闕典許再興偉觀自今始豈無古循吏亦有先達
尊巍巍企德堂同此入道門嗟我本末裔德憑恒惻惻
六一碑可尋雲峯記重勒入奏者誰子家住山斗村呼
我大父行等是嵩洛孫俯伏天九重奔走路千里盛
舉忽告成相看動容喜秋潮沒津渡落葉飄井牀贈子
一尊酒解劒城東坊南望淞江源正迥豐宮下相期道
脉長增重粉榆社子歸應幾日為我謝諸公也海宗令

德無負新民功成化癸卯八月六日
賜進士及第奉直大夫左春坊江詩德同修 國吏
經筵官兼 太子講讀官敏政書

送諭德程先生南畿主考還京

天下文章萃翰林翰林聲價重南台試觀今日命題意
足見平生報 國心去取無私君不愧太平有象衆皆
欽相逢未久仍分手不識何年又盍簪

成化二十二年歲丙午秋九月吉日

賜進士出身資德大夫正治上卿奉 勅南京叅贊機

務 太子少保兵部尚書三原王恕書

成化癸卯四月過閔口龍阜 歐陽旦

子規聲裏雨初收秧已成苗麥已秋小小橋分村外路

深深樹隱驛邊樓新渠水引千秋塢舊壠人耕萬貫洲
撫字深慚才力薄宵衣恐負九重憂

成化丙午春二月循行過流口時吳超李俊吳憲李時李穩諸生皆來迎

幽花野草各爭新化日光風處處春種竹栽杉宜土產
暖衣飽食叙天倫率山峯起天連界浙水源來地闢垠
濟濟青衿吳李子一村兩姓古朱陳

成化丙午夏五月二十六日因公事歸自新屯 時晚雨初霽

高捲青帷款款行晚涼新景稱 花
沙水光中夕照明幾處人家頻 數聲 鳥自呼名

衣冠父老頭如雪夾道相迎賀

過漲山長充時成化丙子秋八月二十八日

梧葉飄紅柳葉黃蕭條入眼總秋光
霏霏薄霧初收雨
剪剪寒風欲作霜官路郵亭依樹小
石橋流水抱村長
行行漸得江山勝趣滿乾坤句滿囊

寄賀歐陽令君陞侍御

張旭

張綱去後幾知名今日掄材愜衆情
山岳驟驚驄馬出
朝陽初聽鳳凰鳴民思父母情無極
天眷君臣慶有成依舊滿城桃李在
何時含笑再相迎

休寧志卷三十八終

一節終天志不移花落空庭人已遠
烏啼宰樹夜偏遲
春暉寸草何能報腸斷西風淚雨垂

夏氏世居邑南以德善著聞曰齊永仁者龍泉縣
丞郁之弟少孤力學為里塾師性極孝鄉人類能
道其詳此其所賦思母詩也永仁去世已久其子
思廷章以能書名邑中間持視予誦其詩味其意
猶使人黯然不能自已蓋所謂由衷之言雖不及
識其人而諗其為克孝者矣詩云孝子不匱永錫
爾類夏氏子孫其尚勗之

弘治四年龍集辛亥秋八月朔二日

賜進士及第中順大夫詹事

子兼翰林院侍

講學士兼

明道先生語中節大夫

其意已之謂也

其意已之謂也

其意已之謂也

其意已之謂也


其意已之謂也

其意已之謂也

其意已之謂也

其意已之謂也

其意已之謂也



程